

二
林
居
集

三林居集目錄

卷一

卷二

卷三

述所

論

卷三

雜著

書問一

卷四一

書問二

卷五

敘一

卷六

敘二

卷七

敘三

題引

跋尾一

卷八

跋尾二

卷九

跋尾三

記一

卷十

記二

碑

墓表

墓志一

卷十一

墓志二

卷十二

事狀一

卷十三

事狀二

卷十四

事狀三

卷十五

事狀四

卷十六

事狀五

卷十七

事狀六

卷十八

一事狀七

卷十九

述一

卷二十

述二

卷二十一

述三

卷二十二

述四

卷二十三

傳一

卷二十四

傳二

祭文

頌贊

箴銘

二林居集目錄終

二林居集卷一

長洲彭紹升允初著

地部三
讀易下

乾坤者太極之妙用也。太極者自心之異名也。太極無體。以陰陽爲體。陰陽分而太極隱矣。是故爲高爲卑。爲暄爲雨。爲風雷爲山澤。其炳然于乾坤之內者。不知其所從出也。自心無體。以動靜爲體。動靜岐而自心泯矣。是故爲男爲女。爲貴爲賤。爲剛柔。爲凶吉。其紛然于陰陽之中者。不知其誰使之也。聖人知之。是故于乾示用九之道焉。于坤示用六之道焉。知太極之未始有乎陰陽也。知陰陽之未始離乎太極也。是

故。太。極。常。尊。而。陰。陽。順。序。矣。知。自。心。之。未。始。有。乎。動。靜。也。知。動。靜。之。未。始。離。乎。自。心。也。是。故。自。心。常。定。而。動。靜。同。歸。矣。其。本。在。誠。其。功。在。敬。與。義。乾。坤。合。德。聖。功。備。矣。易。无。思。也。无。爲。也。寂。然。不。動。感。而。遂。通。天。下。之。故。陰。陽。邪。動。靜。邪。學。易。者。參。之。

乾六爻之義中庸一書所自出也大哉乾元萬物資始乃統天天命之謂性也雲行雨施品物流形率性之謂道也乾道變化各正性命保合太和乃利貞修道之謂教也聖人法天之學一言以蔽之曰大明終始而已知終始之相生而未始或息故曰道也者不可須臾離也可離非道也知至至之至此而已知終終之終此而已君子終日乾乾夕惕若厲通乎

晝夜之道而知矣。慎獨之功也。九二之正中。中和之德備矣。九五之作觀。位育之功畢矣。語其至。上天之載。無聲無臭。故曰見羣龍无首吉。天德不可爲首。聖人以此洗心。退藏于密。初不以時位爲加損焉。此舜禹所以有天下而不與也。乾之德莫善于潛。莫不善于亢。故中庸終言尚絅之義。以闡然爲基。以聲色爲末。其旨不亦微乎。其蘊不亦淡乎。

觀之有孚於盟。而不薦。君子之觀民也。不求之于民也。觀我而已矣。觀我也者。不于其眾。于其獨。不于其發。于其存。如承祭然。方其盥也。其心泊然。如不有也。其容退然。如弗勝也。其忠敬之實。旁皇周浹。而不知其何以然。龍在下而爲潛。雷在地而爲復。其象異。其志同也。然而神道設教。無過于此矣。視

之而弗見聽之而弗聞體物而不可遺此神道也弗見也者謂其能自見也能自見故能通天下之視弗聞也者謂其能自聞也能自聞故能徼天下之聽舉凡物之共見共聞者皆弗見弗聞之所賅而存焉者也而誰其遺之君子篤恭而天下平其不以此乎其不以此乎

吾于觀艮二卦見聖人之心法焉詩曰穆穆文王於緝熙敬止緝熙者觀也敬止者艮也乾知大始其觀之所從出乎坤作成物其艮之所自成乎是故觀艮者乾坤之門戶也論語體之爲學識中庸標之爲明誠干聖復生無以易此矣

復之初卽乾之初也一陽在下動而未形良知在人照而常寂其天德之潛乎感于物則失之矣顏子有不善未嘗不知

能不昧其良知而已。知之未嘗復行。能不欺其良知而已。三月不違仁。其閉關之謂乎。商旅不行。后不省方。惟坐忘者能之。

艮下乾上。二陰四陽。君子之勢未衰也。而其卦爲遯。于以知幾之不可不早辨也。進于是而爲否。或欲遯而不能矣。吾觀前世黨人之禍。而悲之。知此義者。其宋之邵堯夫。明之陳公甫乎。夫其遯也。豈曰枯槁以沒身焉。廓乎其量。四海爲隘。淵乎其藏。萬古非遠。故曰肥遯。无不利。此君子藏身之固也。萃亨。王假有廟。利見大人。亨利貞。紀昌之學射也。懸蠶于牖。如車輪焉。痾僂丈人之承蜩也。不以萬物易一蜩之翼。其萃之象乎。至幽者鬼神也。王假有廟。幽者明矣。至尊者大人也。

利見大人。尊者親矣。吾孔子琴而遇文王焉。夢而見周公焉。誠之不可揜如此。故君子慎獨之功。不可以或息也。

困亨貞。大人吉。夫困之時義窮矣。然而有不窮者焉。于以知吾心之至神也。觀于舜之爲子。周公之爲臣。大人之道昭昭矣。不怨天。不尤人。下學而上達。孔子之困。不旣亨矣乎。

旅小亨。旅貞吉。盡天下有形之所宅。莫非旅也。堯舜旅帝湯。武旅王仲尼。旅布衣郵傳焉。已爾。日月旅天。山河旅地。天地旅虛空。信宿焉。已爾。形則未有不壞者。有不壞者。謂其能柄形者也。聖人知之。還其有不壞者。于其壞也。無容心焉。其旅而亨也。宜哉。柰何世之人。罔罔然遺其有不壞者。而竭其神于。未有不壞者。旅瑣瑣斯其所取災。不亦悲夫。

萃之反爲渙其言王假有廟則同者何也萃也者孝子所以
饗親一志焉而已志一則與親合體渙也者仁人所以饗帝
克己焉而已已盡則與天合德渙其躬者克己之謂也渙其
羣而天下歸仁矣渙王居者有天下而不與焉者也天無私
覆地無私載日月無私照奉三無私以勞天下其于饗帝也
誠乎非盡性之君子其孰能之

讀書

古人君之事天也其猶孝子之事父母乎堯曰欽若昊天舜
曰敕天之命官曰天工人典曰天敘禮曰天秩賞曰天命罰曰
天討一稟乎天而不制以己亦如人子視于無形聽于無聲
不知有身知有父母而已矣是之謂無我是之謂有天下而

不與。故其德之隆如旋樞之運。窈然而莫窺其政之平。如四時之行。秩然而有序。其功之盛如百物之生。沛然而畢達。三代之興莫不由之。禹曰。昭受上帝。湯曰。顧諟天之明命。武王曰。惟曰其助上帝。帝也天也。非虛而意之也。誠有以信之矣。洪範之言曰。無偏無頗。遵王之義。無有作好。遵王之道。無有作惡。遵王之路。無偏無黨。王道蕩蕩。無黨無偏。王道平平。無反無側。王道正直。曾其有極。歸其有極。曰。皇極之敷言。是彝是訓。于帝其訓。夫所謂皇極者。非天子所獨有也。天之命也。民之性也。皇建其極者。自得其性。自至于命而已矣。亦俾民自得其性。自至于命而已矣。自得其性。自至于命。其于天下也。一稟乎天而已。不與焉。所以與斯人偕游于大同之世而

無有離闕其閒者。胥是道也。孔子告顏淵曰。一日克己復禮。天下歸仁焉。克己者。無我之謂也。無我則與天爲一。禮天之經。仁卽天之心也。有我故有人。有人故有天下。有天下故天下之我竝起而相抗。而莫能相勝也。無我故無人。無人故無天下。無天下是合天下而爲一我也。是合天下之我而爲一天也。如水成冰。冰還爲水。天人之界。通塞之機。於此乎判矣。雖然。未有不知性而能無我者。未有學不至而能知性者。故入主莫先于勸學。

古人君之事天也。又有任人之道焉。堯任舜。舜任禹。禹任益。湯任伊尹。武丁任傅說。文王任尚父。武王任周公。蓋能事天者。未有自任而不任人者也。天生聖賢。所以爲天下。苟不能

與之共天位。治天職。而使斯民不得被其澤。是棄天命而逆天心也。不祥莫大焉。故曰。帝臣不蔽簡在帝心。知此義者。求賢審官。不遑曰。昃猶恐失之。其敢自逸乎。孔子論政。必本于知人。而知人必本于知天職。此志也。

事天者不獨任人而已。又有觀民之道焉。民者天之心也。得民心斯得天矣。泰誓曰。天視自我民視。天聽自我民聽。天之視聽不可知。觀于民而知之矣。無逸曰。小人怨汝。冒汝。則皇自敬德。厥愆曰。朕之愆。夫怨詈之興。未可盡爲小人之咎也。赤子順之則喜。逆之則號。慈父慈母初不以爲過。知有保之道而已。保之道未至。吾方自責之不暇。而暇責人乎。故君子之保民也。不求諸民而求諸己。敬德者所以求諸己也。

求諸己者中心無爲以守至正是故無好無惡以公天下之
好惡斯其好惡也審無喜無怒以順天下之喜怒斯其喜怒
也平審且平而天下之情得矣天下之情得是故民歸之天
與之而猶有怨詈興其閒者吾不信也

讀詩

予讀詩而知文王之德之盛也維昔聖人事天之學盡性之
功觀于詩人所傳道精矣粹矣蔑以尚矣雖離在宮肅肅在
廟不顯亦臨無射亦休文之所以奉天也帝謂文王無然畔
援無然歆羨誕先登于岸天之所以牖文也維天之命於穆
不已於乎不顯文王之德之純文之德不可知觀于天而知
之矣上天之載無聲無臭儀刑文王萬邦作孚天不可見見

文王而已矣。是故關雎。樛木。螽斯。麟趾。一天之所醞釀也。鹿鳴。四牡。魚麗。由庚。一天之所布濩也。文王之德如此。其受命于天。非天之命之也。文王之天。自命之而已。爾武王承之曰。上帝臨汝。無貳爾心。成王則之曰。敬之敬之。天惟顯思。古人君所以事神保民。祈天永命。莫不由此。旣其褻也。人君懵于學問。動以天爲懞。恍不可知。棄五常。毀百度。恣于民上。而莫敢誰何。詩人憫而戒之曰。敬天之怒。毋敢戲渝。敬天之豫。毋敢馳驅。昊天曰明。及爾出王。昊天曰旦。及爾游衍。其于天人之故。可謂渙切著明。然卒勿之省。以至于滅亾而不救。嗚呼。可不懼哉。然則天之所興與其所廢。章章矣。上帝甚神。命有德。討有罪。如衡之輕重。度之長短。一視其人之自取。鮮或爽。

毫髮焉。然而或遲或速，或隱或顯，類非世智所能悉。鄙生小
儒，不究其終始，動以因果之說歸之佛氏，侮聖人而棄天命。
吾不知其所終矣。

烏呼！王道之易易也，豈不信哉？當周東遷時，去文王之世遠
矣。而文王之德著于人心，如元氣之鼓物，雖歷風霜摧壓之
餘而未嘗絕也。邶，魯國也，伶人賤工也。其詩曰：山有榛，隰有
芡。云誰之思？西方美人。彼美人兮，西方之人兮。慕文王而不
見，有不任其悲者焉。秦既受封，先武功後文事，豐鎬之俗至
是而一變。其詩曰：蒹葭蒼蒼，白露爲霜。所謂伊人，在水一方。
遡洄從之，道阻且長。遡游從之，宛在水中央。傷周禮之不行，
文王之不復作，知春秋之將爲戰國也。至如曹檜之微小，而

匪風下泉。瞻周道念京師。憂思而不已。于此時也。有能紹文王之德。修周官之法度。民之望之。若旱之得霖。如水之赴壑。不足云也。周公師文王者也。國風以文王始。以周公終。此夫子東周之志也。故曰。文王既沒。文不在茲乎。曾子述之作大學。原本緝熙。敬止一言爲心法。而以仁敬孝慈信爲至善之標準。此文王之所以爲文也。千百世下。知其解者。不出戶庭之內。衽席之間。而王道具焉。如有用我。舉而措之可也。詩之作也。先王所以通上下之情也。易傳曰。天地變化。艸木蕃。天地閉。賢人隱。甚哉。上下之情。其通也。天地之交也。治之機也。其塞也。天地之不交也。亂之機也。譬如一人之身。血脈周流。則榮衛調。百骸適。反是而疾病生焉。誠欲通上下之情。

者莫切于導之使言矣。是故周之盛也。七月卷阿諸詩所以戒其少衰也。沔水鶴鳴諸詩所以諷其季也。板蕩節南山諸詩所以刺下而十二國之風。衰刺交切。國政之得失。風俗之貞姪。莫得而揜焉。故其在內。太史錄之。賸賦之。矇誦之。其在外。諸侯貢之。太師陳之。當其時。下無不達之情。上無不通之隱。無一運之情。故其情可得而平也。無不通之隱。故其隱可得而周也。此周之所由後亾也。善乎召穆公之言曰。防民之口。甚于防川。川雖而潰。傷人必多。民亦如之。是故爲川浚之。使導爲民者。宣之使言。豈不信哉。且非獨君人之道然也。君子之治躬也亦然。道在反求而已矣。虛故無弗受也。寬故無弗容也。所爲釋有我之私。而游于大同之域也。我立而過。滋

過滋而懼人之暴之也。忍而遂之。逆而拒之。于是乎聰明之兌塞惡積而不可解於乎。此舜之所以爲大知而仲由所以爲百世師也。

讀禮記

後之言禮者。吾悲之。辨名物稽象數攷文章。以爲禮禮若是而已哉。後之言樂者。吾悲之。別陰陽分寸。窮損益以爲樂。樂若是而已哉。若是者。古人之糟魄已爾。而人道之精蘊。不在焉。吾嘗讀論語而得之子曰。二三子以我爲隱乎。吾無隱乎爾。吾無行而不與二三子者。是某也。此無體之禮也。優優乎爾矣。又曰。天何言哉。四時行焉。百物生焉。天何言哉。此無聲之樂也。洋洋乎爾矣。孔門諸子。獨顏氏曾氏爲能契之一

簞食一瓢飲在陋巷而不改其樂不遷怒不貳過三月不違
仁此顏氏之禮也優優乎爾矣莫春者春服既成冠者五六
人童子六七八人浴乎沂風乎舞雩詠而歸此曾氏之樂也洋
洋乎爾矣後之君子誠有志于禮樂法顏氏曾氏其可也是
故記禮之文中庸其盡之矣禮樂者中和之異名也不明乎
天命之性而慎獨以爲基其可以議于禮樂乎哉

讀周禮

周禮一書周家出政之書也意者辨自周公而歷世互有損
益不然何其純駁之交錯也子曰文武之政布在方策其人
存則其政舉其人亡則其政息後之君子誠有志于先王之
法則本末先後之序不可不盡心焉爲政在人取人以身修

身以道修道以仁其序如此。不知其序而強爲之。吾未見先王之法不爲厲天下之具也。

讀古本大學

大學一書古聖人傳心之學也。傳心之學明明德一言盡之矣。親民者明德中自然之用非在外也。民吾同體親之云者還吾一體而已矣。故下文不曰親民而曰明明德于天下。心量所周蕩然無際。民視民聽。卽吾視聽。民憂民樂。卽吾憂樂。如大圓鏡物無不鑒。如太虛空物無不覆。是謂明明德于天下。故曰一日克己復禮天下歸仁焉。歸仁非在外也。亦還吾一體而已矣。至善者明德中自然之矩。所謂天則也。見龍无首乃見天。則聖人以此洗心退藏于密。所謂至也。故道莫先

于知止矣。知者明德之所著察。止外無知。知外無止。止外無知。是謂知本。知外無止。是謂知至。知至云者。外觀其物。物無其物。物無其物。是謂物格。內觀其意。意無其意。意無其意。是謂意誠。進觀其心心如其心心如其心。是謂正心。由是以身還身。以家還家。以國還國。以天下還天下。不役其心。不動于意。不役于物。是謂身修。家齊國治天下平。而其機莫切于知本。家國天下以身爲本。而身以知爲本。故反復于本末之辨。而終之曰。此謂知本。此謂知之至也。知本則知止。知止則知至。不其然乎。雖然。本未易知也。知本矣。而其功莫精于誠意。蓋亂吾知者。意也。意之動而好惡形焉。是不可得而遽泯也。慎之于獨而已矣。慎之于獨。無有作好。無有作惡而已矣。如

惡惡臭如好好色言無作也無作則無意矣心廣體胖此其
徵也淇澳烈文德之所被民不能忘一誠之所貫浹也所謂
誠于中形于外也何以誠之反之于獨而已矣反之于獨不
昧其知謂之自明用其極者自明之極本斯在是矣緝熙敬
止其功也仁敬孝慈信一止也極也大畏民志通天下之志
也意既誠矣知斯至矣知本之說也然則學者宜知所以事
心矣心本無所有不可也本無不在有不在不可也善事
心者納之于一矩而已矣所謂正也自身而家自家而國自
國而天下納之于一矩而無不修且齊焉治且平焉矩也者
所謂極也至善也絜矩云者卽本以知末止于至善明明德
於天下之實也君子先慎乎德反本而已矣彼好惡拂人之

性者豈其性異人哉。舍本而逐末。卒爲天下僂。本其可勿務乎。故曰。自天子以至於庶人。壹是皆以修身爲本。

讀中庸

中庸其盡性之書乎。何言乎天命之謂性。維天之命。於穆不已。來無所從。去無所至。成一切性。離一切性。成一切性。故卽性卽命。離一切性。故卽性非性。喜怒哀樂之未發。性也。一天也。寂然不動。而未嘗無也。發而皆中節。性也。一天也。感而遂通。而未嘗有也。知也者。所以明此也。仁也者。所以體此也。勇也者。所以恆此也。子臣弟友夫婦兄弟。一性之所發育也。富貴貧賤夷狄患難。一性之所影現也。惟知性者。素位而行。無入而不自得。堯舜禹湯文武周公孔子。其盡之矣。盡之者。非

獨自盡其性。天地鬼神。艸木禽獸。一以貫之矣。何以貫之。曰誠而已矣。誠之之功。曰慎獨而已矣。戒慎乎其所不睹。恐懼乎其所不聞而已矣。故終之曰。上天之載。無聲無臭。善學者。以闇然爲基。以不顯爲究竟。純亦不已。與天爲一。其斯爲中庸之德乎。

戒慎乎其所不睹。恐懼乎其所不聞。正心之功也。慎其獨者。誠意之功也。不言致知格物者。何也。道也者。不可須臾離也。可離非道也。致知格物。莫切于此。且所謂不可離者。在心邪。在身邪。在物邪。而非物也。而非身也。而非心也。一命之不已而已矣。知此之謂明善。不違乎此。是謂固執。語其至。不可以知。知不可以能。能故曰。夫婦之愚。可以與知焉。及其至也。雖

聖人亦有所不知焉。夫婦之不肖，可以能行焉。及其至也，雖
聖人亦有所不能焉。聖人所知，所能，卽夫婦所可知，所可能。
夫婦所不知，所不能，亦聖人所不知，所不能。道足以窮聖人
之知，而不能窮聖人之所不知道，足以窮聖人之能，而不能
窮聖人之所不能。其不知不能者，其莫載莫破者也。故曰：鳶
飛戾天，魚躍于淵，言其上下察也。其可離也邪？其不可離也
邪？

誠則明矣，明則誠矣。無二本也。學者由教而入，其必自明善
始。善也者，其命之不已者也。其不可須臾離者也。博學審問，
慎思明辨，明之之功也。明其不已者而已矣。明其不可須臾
離者而已矣。篤行者，明之而不已其功也。故君子尊德性而

道問學不知德性。何以爲問學。又安知德性之所
以尊哉。同此德性。明其無外。則曰廣大。明其無內。則曰精微。
明其無上。則曰高明。明其無所倚。曰中。明其無所作。曰庸。致
之盡之極之道之。皆問學之事。道之乃所以尊之也。自其善
之本明者言之。謂之故溫之者。勿忘而已矣。自其善之日出
者言之。謂之新。知之者不懈而已矣。敦厚者所以保之。崇禮
者所以孰之也。溥博淵泉而時出之。斯之謂矣。是故不達天
道。則不足以盡人道。不盡人道。則不足以達天道。二之者惑
也。

讀左氏春秋

左氏有功于聖道者三。一曰明天命。二曰崇禮教。三曰辨吉

凶曷謂明天命邾文公卜遷于繹史曰利于民而不利子君
邾子曰苟利于民孤之利也天生民而樹之君以利之也民
既利矣孤必與焉左右曰命可長也君何弗爲邾子曰命在
養民歿之短長時也民苟利矣遷也吉莫如之遂遷于繹五
月邾文公卒君子曰知命夫人之言命者莫切于生歿矣不
知生歿者數也非命也命非生歿之所能與也劉康公曰民
受天地之中以生所謂命也盡其道而生其生也無加盡其
道而歿其歿也無損命之所以立也知所以立命則首陽未
嘗歿夷齊干駟未嘗生景公也順受其正而已矣曷謂崇禮
教女叔齊之告晉侯也知禮之切于政矣孟僖子之告其老
也知禮之切于躬矣子太叔之告趙鞅也知禮之切于性矣

反。之。于。性。以。立。其。本。謹。之。于。躬。以。善。其。則。推。之。于。政。以。大。其。施。天。德。明。王。道。章。矣。此。記。禮。者。所。從。出。也。曷。言。乎。辨。吉。凶。吉。凶。之。以。類。至。也。視。其。所。感。以。爲。之。應。其。應。也。非。人。所。得。爲。也。亦。慎。其。所。感。而。已。矣。易。之。爲。書。所。以。教。人。避。凶。趨。吉。也。其。所。爲。避。凶。趨。吉。者。非。謂。吉。凶。之。已。兆。者。也。避。吾。可。以。取。凶。之。道。云。爾。趨。吾。可。以。致。吉。之。道。云。爾。然。而。易。明。其。理。未。著。其。事。也。著。其。事。者。莫。詳。于。左。氏。于。國。之。將。興。也。著。其。所。以。興。于。國。之。將。亡。也。著。其。所。以。亡。于。人。之。死。生。成。敗。也。著。其。所。以。死。生。成。敗。章。往。而。察。來。是。與。易。相。表。裏。者。也。非。親。承。夫。子。之。旨。者。其。孰。能。知。之。

宋殤公立十年十一戰此亡身之兆也身亡則國亦從之矣

司馬知而弗諫是不仁也。不知而不諫是不智也。其殺身非不幸也。春秋書及其大夫。非賢孔父也。惜其不能弭亂云爾。是與荀息之從君者類也。

甚矣齊桓之忍也。先子糾而入。又敗魯師。志已得矣。而必殺子糾。是鄭莊所弗爲也。甚矣魯莊之懦也。納子糾。弗克。又敗于齊國。已辱矣。復取子糾而殺之。是平原君所弗爲也。平原君謂秦昭王曰。貴而爲友者爲賤也。富而爲交者爲貧也。若魏齊者。勝之友也。在固不出也。豈不叩然一丈夫哉。

列國大夫。夫子所屢稱者。管仲子產而已矣。子產之功。在一國。管仲之功。在天下。乃傳春秋者。于子產之治鄭也。詳之于管仲之治齊也。略之。其亦疏于論世矣。且非直此而已。子之

相魯也。東周其可爲也。其去魯也。東周之望絕戰國之勢成矣。是盛衰升降之大關也。而左氏闕之。其亦昧于審時矣。子產之論鬼神也。抑何其懵于理。與其言曰。人生始化曰魄。既生魄。陽曰魂。用物精多。則魂魄彊。是以有精爽。至于神明。而以伯有之厲爲證。信斯言也。則盜跖之鬼。必伸于柳下季之上。而伯夷叔齊之神。必屈于齊景公之下也。而豈然也哉。夫人道之分。善惡而已矣。善惡之分。陰陽而已矣。陽毗于天。陰毗于地。毗于天者。爲神。毗于地者。爲鬼。此其大較也。六經亦有神而近于鬼者。如里社之屬是也。等而下之。皆毗于地也。者自神以上。言無盡。故善中報境亦無盡。自鬼以下。惡無盡。故惡中報境亦無盡。兩言以蔽之曰。君子上達。小人下達。而

己矣。然則生而彊者其惡孰則其報有不止于鬼者矣。生而弱者其善孰則其報有不止于神者矣。升降之分豈以彊弱論哉。及其至也。通乎晝夜之道而知迎之不見其首。隨之不見其後。是又陰陽之所不能拘。神鬼之所莫能測也。此爲大人而已矣。彼歿而爲厲者何也。或般之不以其舉也。如渾良夫之厲是也。卽當其舉矣而般之者。不以士師不以國法。則怨有所結而毒有所流。其反而噬焉宜矣。如伯有之厲是也。舍是則雖桀紂之暴不能爲厲于湯武之世矣。不此之察則幽明之理終晦昧而不章。古聖人扶陽抑陰之指遂爲空言無事實。又何以紀綱人道參贊兩儀也哉。

乙亥四月五日止非

二林居集卷一

一

二林居集卷二

長洲彭紹升允初著

述古

讀程伯子書

昔仲尼沒而微言絕七十子之所傳者大義而已矣大義明而微言可得而尋也思孟既往儒術浸衰董王代興濂雍繼作述六經尊孔孟而大義炳然復明要其揭聖人之心傳殫微言以詔後世者惟明道先生尤弗可及矣其爲學也一天人徹內外同物我測之而彌深滌之而彌廣自南渡以降羣言之異同始未有能出其範圍者也然則學先生之學者將奚從曰先生之言盡之矣先生之言曰佛言前後際斷純亦

不已是也。子在川上曰：逝者如斯夫，不舍晝夜。自漢以來，儒者皆不識此義。又曰：鳶飛戾天，魚躍于淵，言其上下察也。會得時，活潑潑地，會不得，只是弄精魂。又曰：學者無可添，惟有可減。減盡，便無事。此所謂微言者，非邪？後之言學者多矣，亦已識得逝者否？亦已會得鳶飛魚躍否？減之又減，減得盡時，不言而信矣。

讀邵子書

無名公傳曰：斯人有體乎？曰：有體。有體而無迹者也。斯人無用乎？曰：有用。有用而無心者也。夫無迹也，無心也，不幾于化矣乎？化則吾無從測之也。吾讀伊川擊壤集，無弗詣也，無弗暢也。是樂而已矣。等樂也，或有待，或無待，有待之樂，將必有

不樂者隨之。是未離乎心與迹也。無待之樂。離心與迹矣。離心與迹者。死生無變于已。而況其適然之遇乎。是故孔子之樂飯疏飲水而已。顏子之樂簞食瓢飲而已。有待邪。抑其無待邪。誠知伊川擊壤之樂。則可以知孔子顏子之樂矣。

讀朱子書

予讀朱子書。觀其上孝宗諸封事。及與陳同甫往復書。力持于天人之界。王伯義利之辨。每爲之愀然變容。灑然易慮。曠然發蒙覆而躋千仞之上也。烏呼。古今之變。生歿之故。不可勝窮。然而天地則有位矣。日月則有度矣。星辰則有行矣。是理也。確乎其不變者也。浩乎其無際者也。先聖後聖。其揆一也。予嘗讀論語而得之曰。自古皆有死。民無信不立。一言而

天。人。之。幾。淺。矣。孟。子。述。孔。子。者。也。曰。行。一。不。義。殺。一。不。辜。而。得。天。下。有。不。爲。也。一。言。而。王。伯。義。利。之。辨。明。矣。敬。也。者。立。此。者。也。義。也。者。宐。此。者。也。朱。子。于。此。信。之。深。守。之。篤。其。所。以。得。孔。孟。之。傳。者。實。在。于。是。後。之。述。朱。子。者。徇。其。末。不。求。其。本。所。以。論。說。日。繇。而。日。遠。于。大。道。也。

讀陸子書

陸。子。之。學。主。于。尊。德。性。其。言。尊。德。性。之。功。曰。切。己。自。反。遷。善。改。過。此。顏。子。之。學。也。易。曰。不。遠。復。无。祇。悔。元。吉。繫。辭。曰。有。不。善。未。嘗。不。知。知。之。未。嘗。復。行。此。其。功。也。夫。人。莫。不。謂。過。之。當。改。而。能。改。過。者。實。鮮。此。其。患。在。于。不。知。卽。知。之。又。患。在。于。知。之。不。真。非。能。自。見。其。本。心。者。未。有。能。真。知。過。者。也。陸。子。曰。先。

立乎其大者。此其本也。君子終日乾乾。夕惕若厲。无咎。如此而已矣。吾儕誠有志于寡過之學者。其不可不師陸子。

讀楊子書

本心之學。直達而已矣。楊子問于陸子曰。如何是本心。陸子曰。適來。斲。扇。獄。是知其爲是非。知其爲非。卽此是本心。楊子曰。如斯而已乎。陸子竦然厲聲曰。要何有也。楊子言下廓然。楊子之論學也。以絕四爲宗。或者疑之曰。是知其爲是非。知其爲非。而能無意乎。知歸子曰。直達而已矣。何意之有。子曰。吾有知乎哉。無知也。無知而無不知。是之謂絕四。是之謂本心。

讀王子書

充古今塞宇宙良知而已矣。致良知者。道在反躬而已矣。反躬奈何。去其不善以復于無不善斯已矣。有不善者。良知之蔽也。復于無不善者。充古今塞宇宙良知而已矣。後之學王子者。吾異焉。言知不必良。言良知不必致。知而不必良。則不善不可得而去也。良知而不必致。則無不善者不可得而復也。此其所以異于聖人之學也。吾讀王子書而知其爲聖人之學也。君子之中庸也。致良知也。

讀高子書

孟子道性善。言必稱堯舜。性也者。其上天之載乎。善也者。其無聲無臭之謂乎。洋洋乎天地之間者。皆是也。體之于人性。可得而盡矣。堯舜其盡性者也。學而期于盡性。莫先于明善。

矣。高子之言格物以性善爲宗旨。主敬以胷中無絲毫事爲本。其善發程朱之蘊。以契思孟之傳者。與昔我高王父晚歲讀高子書。發憤進學。以志矩名其齋。曾王父平生奉行服七規老而彌篤。紹升淵原所自。敢或怠忘。反復遺書錄其言尤切者。爲明善之則云。

讀離騷

釋離騷者眾矣。能心知其意者。前獨有司馬子長。後獨有梁谿高子而已。子長推屈子之志。以國風小雅當之。夫國風首關雎。樂得淑女以配君子。所謂閨門之內。王化之基。古先哲王莫不用此爲兢兢懷王之鑒。鄭袖此致亂之本。故篇中疊引宓妃有娥二姚。明爲君求助。繼關雎哀窈窕思賢才之志。

諷王正家以爲定國之本也。小雅所刺譏尤在尹氏皇父輩。篇中屢席黨人。子長以子蘭上官實之。則小雅之志也。卷耳后妃所作而志在求賢審官。十月之交席用事之人而歸獄于豔妻。自古女子小人禍人家國。未有不隱爲裏者。此詩人所疾痛。亦屈子微旨之所存。而不忍席言之者也。注家不察。過以求女爲求賢臣之喻。不知旣以女爲賢臣。則所引摯咎繇傳說呂望之徒。又何謂也。或又以女喻君。則陰陽失序尊卑易位。更非立言之旨。且旣屢述重華禹啟諸帝王以爲君。鵠奈何復以他詞亂之。其不可通也。洩矣。高子之言曰。世人僅知屈子以詞。又或謂其過怨。不知其所自得。固有天下之至樂者。存耿吾旣得此中正。溢埃風余上征。蓋眞見中正。

之道上與天通而乘鸞跨鳳何天之衢不知世中更有何事
矣此能道出屈子心事故曰覽冀州兮有餘橫四海兮焉窮
又曰與天地兮比壽與日月兮齊光此非能先立乎其大者
孰足以知其意哉雖然充斯志也其亦可無入不自得矣懷
石自沈不已激乎此又江濱漁父所爲歎者也

讀史記

費無極譖伍奢而殺之子胥逃之吳率用吳以覆楚或問曰
子胥之覆楚義乎曰不識也譖奢者無極也于奢爲故殺仇
之可也平王君也又于奢爲誤殺仇之不可也且無極殺奢
而楚旋殺無極子胥之仇則已復矣仇已復而猶怒其君戮
其尸以覆其國及其君之子嗜其甚也且其于吳又不得爲

忠臣也。窺光之隱而進鱗諸焉以成其逆。一何忍也。好兵者必亾國。吳之亾由其好兵也。吳之好兵子胥教之也。烏呼。以一人之仇覆二國。仁者不爲也。其爲夫差謀似也。然而夫差之亾。非亾于越也。由其好兵也。由其好兵。不亾于越。亾于楚矣。不塞其原。塞其流。智者不爲也。

吳起之歿也。不于楚宗室也。自其殺妻以求將而心已歿矣。商鞅之歿也。不于鄭澠池也。自其伏甲虜魏卽而心已歿矣。白起之歿也。不于杜郵也。自其阬趙降卒四十萬而心已歿矣。李斯之歿也。不于咸陽市也。自其聽趙高殺扶蘇蒙恬而心已歿矣。項羽之歿也。不于垓下也。自其阬秦降卒二十萬又遷義帝而弑之。而心已歿矣。韓信之歿也。不于鍾室也。自

其襲田廣致酈生于烹而心已死矣。李廣之死也不于莫府也。自其殺降羌八百人而心已死矣。其心死而其首之縣于刃也固已久矣。故以忍戕人者其自戕者也。以詐殺入者其自殺者也。烏呼。豈不哀哉。

孝文之詔單于也。曰。天不頗覆地不偏載。朕與單于皆捐往細故。俱蹈大道。使兩國之民若一家。子元元萬民下及魚鼈。上及飛鳥。跂行喙息蠕動之類。莫不就安利而避危殆。故來者不止。天之道也。大哉言乎。凡有血氣之屬必有知。有知之屬其同一氣也。同一性也。則同一天也。天也者。生生而已矣。體天之心者。亦生生而已矣。然而漢之臣雖能言如賈生。求究乎斯義也。其所爲痛哭者非也。知之者其董生乎。故曰。王

者任德而不任刑。觀于孝文之世。天下安。百姓足。而刑幾措。非任德之效乎。烏呼。生生之心。其入人之深。如寒暑之浸。萬物而靡有閒也。既其後。雖以孝武壞之。而弗能斬也。雖以王莽奪之。而弗能絕也。至四百年而後已也。豈不盛哉。

太極圖說疑

圖說云。五性感動而善惡分。萬事出。聖人定之以中正仁義。而主靜。立人極焉。夫仁義中正。性之德也。性之德本無不定。承善惡言之曰定可也。定則未有不靜者。仁義中正。實有諸已。時止則止。時行則行。斯可語于定矣。而復言主靜。是猶白日而然鐙也。如曰無欲故靜。無欲則無所主矣。有主之心。卽欲也。易曰。冒其背。不獲其身。行其庭。不見其人。非有所主也。

有主則見有身。有身則見有人矣。其可以爲定乎。聖人者。與天地合其德。日月合其明。四時合其序。鬼神合其吉凶。亦無我而已矣。是故明道先生曰。天地之常。以其心普萬物而無心。聖人之常。以其情順萬事而無情。伊川先生曰。體用一原。顯微無閒。又將安所主耶。然則大學之言。定而后能靜。何也。曰。此知止之效也。非外于所止而求定靜也。安與慮猶是也。要于得止而已矣。顧涇陽謂主靜爲先天真脈絡。是殆不然。才言動靜。已屬陰陽。安得謂之先天。謂之先天。是未可以動靜求也。況舍動而求靜邪。然則程門教人靜坐。教人澹心。體認何也。曰。是在知止而已矣。知止則靜可也。動亦可也。不知止而求靜。益之動也。庸愈乎。澹心體認。是格物之功。知止之

二才居集 卷二
導也其可廢乎

論語集註疑

學也者覺也。學也。覺者自明之謂。學。日新之謂也。人性皆善而覺有先後。然則學也者在乎復我本明。還吾本善而已。後覺者必效先覺之所爲。此誠身者所有事。而非明善之功也。明善之功在致知格物而已。未有不明乎善而可議于誠身者也。明道先生曰。觀著堯學他行事。無他許多聰明睿知。安得動容周旋中禮來。此知本之論也。

里仁爲美。擇不處仁焉。得知聖人非教人擇里也。知擇里之必在于仁。則知擇術之不可不出于仁矣。故孟子引此而釋之曰。夫仁天之尊爵也。人之安宅也。莫之禦而不仁。是不智

也不亦深切著明哉

人之過也各于其黨此與周而不比章相發有所比爲黨而比之反爲周知比之爲過則知仁之在于周矣故曰無偏無黨王道蕩蕩

某之禱久矣此聖人心法也太甲曰顧諟天之明命子曰畏天命誠知天命之可畏則所以操其心者無不至內無所蔽外無所緣天命流行無須與少閒故曰善也閒則爲過知其過而亟反之則天命之流行自若也是所謂禱也如曰未嘗有過無善可遷則假年學易何爲乎

雖欲從之末由也已從讀縱與子語魯太師樂章同欲縱末由所謂拳拳服膺而弗失之也若作平聲讀則與瞻前忽後

時何異。又何以云如有所立哉。

一日克己復禮。天下歸仁焉。仁者與天下爲一體。其見有天下者。己爲之累也。己克則無所爲天下也。一仁之所布濩而已矣。以與訓歸。彼遯世不見知而不悔者。其將不得爲仁乎。不曰如之何如之何者。此爲學而不自盡其心者也。夫子發憤忘食。顏子仰高鑽堅。苟有性命之憂者。其能宴然而已乎。儻易而嘗焉。則必難而退矣。小道且不可成。而況大入之學乎。若以處事論察理。旣精直達而已。故曰不習無不利。何要疑其所行哉。

大學章句疑

明明德註云。其本體之明。有未嘗息者。故學者當因其所發。

而遂明之以復其初也。本體之明無間于未發已發。而必以未發爲之本。故曰中也者。天下之大本也。戒慎不睹。恐懼不聞。正從未發以前。端本澈原。以求復我本明之體。本明既復。其發也直達而已。豫章延平相傳程門心法。于是乎在今。舍未發而求之已發。譬猶掘井而不及泉。欲其流之不竭也。能乎當云。因其所固有而遂明之。則此病免矣。

親民者以萬物爲一體。所謂已欲立而立人。已欲達而達人。仁者之心也。自天子以至于庶人。其此明德。故其視民也無非一體。于一體中呼吸痛癢息息相關。非作而致之也。明德之所以周流而無間也。若改作新民。則必有國與天下者。而後可以此責之。彼陋巷之英。舞雩之客。其終絕分矣。

格物之義聚訟紛然。吾以中庸判之。可不煩言而洩格物致知者明善之功。誠意正修者誠身之目也。知格物致知所以明善則尊德性而外別無道問學之功。博學審問慎思明辨皆所以明善。善者德性之謂也。誠身者非他實有此善而已矣。篤行之效也。此知本之說也。然則舍我本然之善而別求天下之理者不已昧于本末之分乎。格字或訓爲來或訓爲至或訓爲正。按之本文語脈俱不可通。蒼頡篇云格量度之也。承上物有本末則量度之義爲長。能格物則知本先而末後。知本先而末後則斷不冒舍本而逐末。故經文旣反覆于本末之辨而終之曰此謂知本。此謂知之至也。此格物之要領也。

中庸章句疑

天命之謂性。言天之所以爲命。卽人之所以爲性也。其爲物不二。故曰知其性則知天矣。謂之曰命則二之矣。易大傳曰窮理盡性以至于命。詩云夙夜基命宥密。其亦可以命爲令乎。

鬼神者二氣之良能也。以二氣爲鬼神之良能則可以鬼神爲二氣之良能則不可。蓋所謂鬼神者爲能主宰乎二氣者也。天有四時。春夏秋冬。風雨霜露。無非教也。地載神氣。神氣風霆。風霆流形。庶物露生。無非教也。孰主宰是孰推行是則鬼神之爲也。故曰夫微之顯誠之不可揜如此。使蒼蒼之衷獨有二氣而已。又何誠不可揜之有。

於乎不顯。文王之德之純。純則一。於穆不已之天而已矣。於穆之天。孰窺其朕。而云豈不顯乎。末章引不顯維德。註以幽。寂。平。遠。詮之是矣。此之不顯。與烈文何異。顯則著矣。其可以爲純乎。

尊德性而道問學。卽上文所謂擇善而固執之也。善者德性之實。擇者問學之功。執之也者。尊之也。然則道問學者。正所以爲尊德性之地。未可外德性而別求問學也。廣大精微高明中庸。皆德性所本具。致之盡之極之道之。乃問學邊事。如以廣大高明屬德性。以精微中庸屬問學。則其所謂德性者。且墮于窈冥恍惚。而其所謂問學者。亦淪于固陋卑瑣矣。大學格致誠正。意亦如此。德性無方而寓于物。近自五官百骸。

推之家國天下。皆物也。有物必有則。卽物以悟其則。則無物。而非德性矣。故格致者。所以爲誠正之地。非于誠正之外。別有格致之功也。至溫故知新。屬明善。遷事敦厚。崇禮屬誠身。遷事皆所以道問學而尊其德性也。註中互說。亦似未妥。

孟子集註疑

程子曰。性卽理也。謂理爲性之所具。則可。謂理爲性。則不可。理者。條理也。性其渾然者耳。于渾然之中。指其秩然者。謂之理。所謂溥博淵泉而時出之也。若以理爲性。是知有川流而不知有敦化也。易大傳曰。窮理盡性。以至于命。理旣窮。則理不可得。而名也。一性之不二而已矣。性旣盡。則性不可得。而名也。一命之不已而已矣。

掘井九仞而不及泉。猶爲棄井也。及泉者何。知性而已矣。達天而已矣。不知性。則不能達天。而徒取古聖人之陳迹。揣摩而則象之。溝澮之盈涸。可立待。知性者。雖其力未充。然涓涓不息。流爲江湖。需之以漸而已矣。呂氏之說。吾無取焉。

命有從其末而言之者。死生有命。得之不得。曰有命。是也有反其本而言之者。或言基命。或言立命。是也。由前之說。則所謂命者。乃氣數之適然。而無與乎吾性。由後之說。則其所謂命。乃性之所從出。而天之所以爲天也。卽以口目耳鼻四肢而論。其生而有欲者。性也。而非性之本然也。性之本然。無聲無臭。一命之不已而已矣。故曰。君子不謂性也。以仁義禮智。

天。道。而。論。其。一。本。乎。天。者。命。也。而。命。非。離。人。而。立。者。也。反。之。
于。身。有。物。有。則。性。之。所。自。成。也。故。曰。君。子。不。謂。命。也。然。則。外。
人。以。求。天。不。可。也。離。命。以。言。性。不。可。也。其。爲。物。不。二。在。自。反。
而。已。矣。集。註。誤。解。命。字。故。前。言。品。節。限。制。後。言。厚。薄。清。濁。徇。
末。而。忘。本。使。此。章。之。旨。更。數。百。年。來。終。晦。昧。而。不。明。一。言。以。
爲。不。智。可。不。慎。哉。

論

戒殺論上

天。地。之。心。生。生。而。已。矣。盈。天。地。間。一。毛。一。羽。一。鱗。一。介。乃。至。
一。蚊。一。蝨。同。此。生。生。同。此。一。心。同。此。一。心。同。此。生。生。而。已。矣。
譬。之。人。一。身。八。萬。四。千。毛。竅。一。毛。一。竅。莫。非。吾。生。也。拔。一。毛。

二才集 卷二
三
鍼一竅瞿然而驚何驚爾以一毛一竅皆吾生之充也卽皆
吾心之充也是故人之貴其身者一毛一竅罔弗護也護其
生也護其心也君子之于物也一毛一羽一鱗一介乃至一
蚊一蠱罔弗護也護其生也護其心也一毛一羽一鱗一介
乃至一蚊一蠱無往非吾生之充也無往非吾心之充也吾
之生天地之生也吾之心天地之心也于天地閒自吾而動
殺機焉可不爲之大怖哉

戒殺論下

戒殺矣乃見生之可好焉嗜殺者習也好生者性也性勝習
習成性習于好生者無弗生也始乎近卒乎遠始乎人卒乎
物以生緣生生理遂焉矣順氣致風雨時百穀孰民仁壽習

勝性。性亂。習習于好殺者。無弗殺也。由所疏。迨所親。由所賤。迨所貴。以殺緣殺。殺業熾焉矣。乖氣致饑饉。臻兵亂。作民凶折。烏呼。習于二者之分途。何極哉。習于殺者。天地怖之。

魏無忌論

人臣無將。將而誅焉。將者何。謂其有無君之心也。有無君之心者。必篡弑之階矣。魏公子無忌。盜兵符殺晉鄙。無君孰甚焉。以春秋之法繩之。是不待教而誅者也。世徒見其卻秦。存趙。震其功而薄其辜。亦昧于春秋之義矣。苟貪小利于目前。而忍貽千古亂臣賊子以口實。其得失之數。不猶豪末之與泰山乎。趙高矯始皇詔。殺扶蘇。蒙恬已而遂弑二世。項籍矯楚王令。殺宋義。已而遂弑義帝。作之俑者。無忌也。易曰。履霜。

堅冰至。可不慎與。或謂當日魏不擊秦。則秦必滅趙。趙滅而魏爲之次矣。無忌之盜兵以存魏也。而何臯之有。彭子曰。臣之事君。有過則諫。諫而不聽。去之可也。不然。死之可也。殷之三仁。其鵠也使無忌而能死諫。則魏王亦且聽之矣。孰與夫行險以僥幸者哉。雖然。此非無忌之本心也。侯嬴之教也。烏呼。嬴真無忌之臯人哉。

。張良陳平論

使漢高事業不得比于二伯者。張良陳平之臯也。夫齊桓公不背曹沫之盟。反魯侵地。卒建九合之功。晉文公避楚三舍。遂成城濮之烈。信之重于天下也。如此。當楚漢畫鴻溝爲界也。楚已解而東歸矣。使漢亦解而西歸。休兵息民。招攜懷遠。

施大澤于天下。彼天下之民有不背楚而歸漢者乎。天下背楚而歸漢。則項羽一匹夫耳。其足爲漢患哉。良平不此之察。而亟亟焉爲反噬之謀。是漢實負羽。而羽未嘗負漢也。彼獲太公而卒歸之者。果何心哉。天下已平矣。諸將偶語複道中。其心固未可知也。良不以此時勸上開誠心。布公道。先賢與能。赦過宥辜。與天下共抵于蕩平之域。而妄以逆億之私實。無根之臬。且曲成其過情之舉。此何爲者也。夫齒有臬而封。彼無臬而不封者。能自安乎。一出一入之間。其何以取信于天下。陳平事漢高。本末俱無足取其反間。范增及僞游雲夢。二策尤猥鄙不足道。彼項羽之不能用范增也。觀鴻門之會而已沒矣。何必待陳平哉。且羽之失人心者。有三大端。阮秦

降卒一也。殺王子嬰二也。弑義帝三也。增日侍羽而不能諫。則其去留又何與于存亡得失之數。人告楚王信反。其反形固未著也。使信誠欲反。邪不反于齊而反于楚。不反于天下未定之日而反于天下既定之後。雖至愚者不爲也。平不以此開上之意而遽使以詐取之。禽一信而天下之爲信者挺劍而起矣。終高之世。兵禍不息。非平實階之厲哉。烏呼。自秦以詐力并天下而後。之號爲謀臣者。慮無不陰祖其術。雖收小利于目前。實釀陰禍于事後。使漢高卽世。無惠文以繼之。其不爲亡秦之續者幾矣。

諸葛孔明論上

子讀蜀志。竊歎孔明之用兵爲已亟也。夫孔明誠欲行王道。

則當務安天下之民。欲安天下之民。則不可以兵力爭天下。孟子之言王道也。曰保民而已矣。不嗜殺人而已矣。夫誠以不嗜殺爲心。雖不得已而用兵。亦所以爲民也。必其君日陷溺其民。而其民日怨疾其君。然後徐起而乘之。誅其君而弔其民。奚煩更駕哉。以區區之蜀與彊敵爲鄰。計唯先固其本。其本旣固。因而招攜懷遠。施恩德于天下。誠使魏惡已稔。彼其民視君如寇讎。而仰我如父母。則兵之所至。不血刃而天下定矣。不此之察。徒以王業不偏安。欲取決于一戰。終其身屢出而無功。姜維踵之。遂以亾國。此瀆兵之大戒也。然則復仇之義。非與。曰篡漢者曹丕也。其民則何辜之有。吾之力不足以誅丕。而徒喻兩國之民而鬪之。彼勝而我負。是自賊其

民也。我勝而彼負，是賊天下之民也。然則漢之仇未復而已。身爲民之仇，其不卽亾者幸也。烏呼！天厭漢德久矣，非誠能父母乎斯民者，其曷克祈天而永命哉。

諸葛孔明論下

一王之胄，蹶而復振者有之矣，未有再覆而再興者也不知天命而彊圖之，縱能然，已燼之灰，岌岌乎不可以終日，亦終歸澌滅而已矣。漢家遺澤，一竭于哀平，再竭于桓靈，建文之祚，如贅疣然，苟有智者，洎宜守介石之貞矣。孔明隆中之對，千古豔傅之，吾直以爲此梟雄割據之謀，非所以順天命而遵王路也。彼荆益二州，旣各有主矣，一則受之天子，一則傳之先人，身爲羈客，無端而生心覬覦于其間，此何爲者也。求

而不得必爭。爭而不已。必殺此。又與于不仁之甚者也。卒以貪荊州之故。召鬻于吳。雖幸有巴蜀。無以服天下之心。終敗于猓亭。而莫振唯信義之不立。故至此。古之人行。一不義。殺一不辜。而得天下。不爲也。亦獨何哉。吾以爲孔明誠王佐才。寧伏死艸廬之中。不出也。

張巡論

張巡守睢陽城中。食盡。殺妾以饗士。許遠亦殺其奴童。城中婦人老弱被殺而食者三萬人。彭子曰。嘻。其甚也。夫此妾奴童與三萬人者。有臯而死。法可也。城破而死。賊可也。不死于法。不死于賊。徒以食盡之故。使之并命于刀砧之下。視如犬豕。雞鶩然。嘻。其甚也。天生民而立之君。以利之也。利之者生。

之也。臣之事君。苟可以利民生者。無不爲。古有「匹身以爲民」者矣。未聞殺民以爲國者也。無民則國無與立。國無與立而徒殉尺寸之土。以自效于君。君將何賴焉。子曰：「自古皆有死。民無信不立。」是故兵可去。食可去。信不可去。區區喘息殆盡之民。忍萬死而不敢二心者。亦恃吾有以信之耳。苟以其無能爲也。不求生之。而又殺之。縱使城可完。賊可滅而已。無解于信之不立矣。書云：「一夫不獲。時予之辜。」文中子云：「不以天下易一夫之命。一城之存亡。與天下孰重。三萬人與一夫孰眾。以二公之忠而未之思邪。當是時。誠計無復之矣。相與待盡。以明效死之義。且使妾奴童與三萬人者。各自效其死。而成其忠。信孰大于是。奈之何殺其身而徒以充人之腹哉。噫。」

其甚也。吾懼後之人慕二公之忠，會遇倉卒，或爲二公之所爲，故告之以信之之道，俾無以二公爲口實焉。

同日讀山非

二林居集卷二

終